

ओ बालाजी सुनल्यो अरजि | By Mukesh Bagda |

ओ बालाजी सुनल्यो अरजि, भक्त करे मनुहार
दरस म्हानें दे द्यो जी
दरस म्हानें दे द्यो जी
बांट निहारां थानें, पुकारा म्हारो पवनकुमार
दरस म्हानें दे द्यो जी
दरस म्हानें दे द्यो जी

म्हें तो ओ सालासर वाला थारा ही गुण गावा
थारो एक सहारो म्हानें, और काटे नहीं जावा
एक आसरो म्हानें थारो, झूठो सब संसार
दरस म्हानें दे द्यो जी
दरस म्हानें दे द्यो जी

भक्ति को रस थासे बेसी, और कोई ना जाणे
भक्त-भक्त हनुमान होया, है सारी दुनिया माने
नाम राम रा थें दीवाना, म्हें थारा दिलदार
दरस म्हानें दे द्यो जी
दरस म्हानें दे द्यो जी

ताजा-ताजा फूलड़ा चुनकर, ये दरबार सजाया
बात उडीका म्हें तो थारी, थें क्यूं देर लगाया
अब तो आओ रंग जमाओ, महफिल में सरकार
दरस म्हानें दे द्यो जी
दरस म्हानें दे द्यो जी

एक बार तो द्यो बालाजी, म्हानें थारी सेवा
लाडू-बाटी, मिश्री-मखाणा, और धरया है मेवा
जिमो-जिमो खीर-चूरमा, अब थें बेगां आओ
दरस म्हानें दे द्यो जी
दरस म्हानें दे द्यो जी

म्हासूं मत ना रहो बेखबर, बालाजी अब आओ
भक्ति म्हारी कम ना होवे, ऐसो वर दे जाओ
मीठा-मीठा भजन बागड़ा, गातो रहे हर बार
दरस म्हानें दे द्यो जी
दरस म्हानें दे द्यो जी

ओ बालाजी सुन लियो अरजि, भक्त करे मनुहार
दरस म्हानें दे द्यो जी
दरस म्हानें दे द्यो जी
बांट निहारां थानें, पुकारा म्हारो पवनकुमार
दरस म्हानें दे द्यो जी
दरस म्हानें दे द्यो जी